

小学古诗文钢笔书法

书

张永明

中国和平出版社

小学古诗文钢笔书法

张 永 明

中国和平出版社

作者简介

张永明，男，河南省新县人，一九五〇年生。毕业于北京师范学院中国书法艺术专业。现为机械电子工业部北方集团总公司神剑文学艺术学会专职干部（书法部长）。中国书法家协会会员、全国神剑文学艺术学会常务理事。北京市海淀区书法协会副秘书长。

近年来，多次在全国和北京市书法大赛和展览中获奖，在全国各专业报刊上发表作品多幅，参加过郑州国际书展，多次参加中日书法联展，曾获日本书道光艺术院奖。并有多幅作品被国内外一些博物馆、艺术馆、碑林等收藏和刊刻。

小学古诗文钢笔书法（小学）

张永明 编

责任编辑 李路

封面设计 王新建

中国和平出版社出版

兵器工业出版社印刷厂印刷

新华书店北京发行所发行

开本 787×1092 1/32 印张 5

1989年1月北京第一版 1989年1月北京第一次印刷

ISBN7-80037-188-3/J·51 定价：1.80元

梅 花

墙角数枝梅，凌寒独自开。
遥知不是雪，为有暗香来。

春 晓

孟浩然（唐）

春眠不觉晓，处处闻啼鸟。
夜来风雨声，花落知多少。

登 鹳 雀 楼

王之涣（唐）

白日依山尽，黄河入海流。
欲穷千里目，更上一层楼。

江上渔者

范仲淹（宋）

江上往来人，但爱鲈鱼美。
君看一叶舟，出没风波里。

早发白帝城

李白（唐）

朝辞白帝彩云间，
千里江陵一日还。

两岸猿声啼不住，
轻舟已过万重山。

绝句

杜甫（唐）

两个黄鹂鸣翠柳，
一行白鹭上青天。
窗含西岭千秋雪，
门泊东吴万里船。

浪淘沙

刘禹锡（唐）

九曲黄河万里沙，
浪淘风簸自天涯。
如今直上银河去，
同到牵牛织女家。

十七日观潮

陈师道(宋)

漫漫平沙走白虹，
瑶台失手玉杯空。
晴天摇动清江底，
晚日浮沉急浪中。

晓出净慈寺送林子方

杨万里(宋)

毕竟西湖六月中，

风光不与四时同。

接天莲叶无穷碧，

映日荷花别样红。

江 雪

柳宗元(唐)

千山鸟飞绝，万径人踪灭。

孤舟蓑笠翁，独钓寒江雪。

咏 柳

贺知章(唐)

碧玉妆成一树高，

万条垂下绿丝绦。

不知细叶谁裁出，

二月春风似剪刀。

村 居 高鼎(清)

草长莺飞二月天，

拂堤杨柳醉春烟。

儿童散学归来早，

忙趁东风放纸鸢。

游园不值

叶绍翁(宋)

应怜屐齿印苍苔，
小扣柴扉久不开。
春色满园关不住，
一枝红杏出墙来。

春日 朱熹(宋)

胜日寻芳泗水滨，
无边光景一时新。
等闲识得东风面，
万紫千红总是春。

山行 杜牧(唐)

远上寒山石径斜，

白云生处有人家。

停车坐爱枫林晚，

霜叶红于二月花。

宿新市徐公店

杨万里(宋)

篱落疏疏一径深，

树头花落未成阴。

儿童急走追黄蝶，

飞入菜花无处寻。

望庐山瀑布

李白(唐)

日照香炉生紫烟，
遥看瀑布挂前川。
飞流直下三千尺，
疑是银河落九天。

枫桥夜泊 张继(唐)

月落乌啼霜满天，
江枫渔火对愁眠。
姑苏城外寒山寺，
夜半钟声到客船。

马

李贺(唐)

大漠沙如雪，燕山月似钩。

何当金络脑，快走踏清秋。

塞下曲

卢纶(唐)

林暗草惊风，将军夜引弓。

平明寻白羽，没在石棱中。

前出塞

杜甫(唐)

挽弓当挽强，用箭当用长。

射人先射马，擒贼先擒王。

杀人亦有限，列国自有疆。

苟能制侵陵，岂在多杀伤？

春望 杜甫(唐)

国破山河在，城春草木深。

感时花溅泪，恨别鸟惊心。

烽火连三月，家书抵万金。

白头搔更短，浑欲不胜簪。

夜宿山寺 李白(唐)

危楼高百尺，手可摘星辰。

不敢高声语，恐惊天上人。

逢雪宿芙蓉山主人

刘长卿(唐)

日暮苍山远，天寒白屋贫。

柴门闻犬吠，风雪夜归人。

鹿柴 王维(唐)

空山不见人，但闻人语响。

返景入深林，复照青苔上。

寻隐者不遇 贾岛(唐)

松下问童子，言师采药去。

只在此山中，云深不知处。

官仓鼠

曹邺(唐)

官仓老鼠大如斗，
见人开仓亦不走。
健儿无粮百姓饥，
谁遣朝朝入君口？

调张籍

韩愈(唐)

李杜文章在，光焰万丈长。
不知群儿愚，那用故谤伤？
蚍蜉撼大树，可笑不自量。

赤 壁 杜牧(唐)

折戟沉沙铁未销，
自将磨洗认前朝。
东风不与周郎便，
铜雀春深锁二乔。

从 军 行

王昌龄(唐)

青海长云暗雪山，
孤城遥望玉门关。
黄沙百战穿金甲，
不破楼兰终不还。